



UNIVERSITÄTS-
BIBLIOTHEK
PADERBORN

Universitätsbibliothek Paderborn

Epistolarvm Innocentii III. Romani Pontificis Libri Vndecim

Innozenz <III., Papst>

Parisiis, 1682

Pharen. Episcopo.

urn:nbn:de:hbz:466:1-20006

votionis & testimonium itineris consummati seipso insigniunt, prædecessores nostri & nos ipsi percipere consuevimus, quām auctoritatem fundendi ea, vel quibus volueritis fusoribus concedendi, qui vobis tantū de ipsis respondeant, vobis & per vos canonicae vestrae præsentium auctoritate concedimus, & præsentis scripti pagina communimus. Ad hæc, sub pena excommunicationis districtius inhibemus ne quis ea præter assensum & concessionem vestram aliquatenus formare præsumat. Decernimus ergo &c. nostræ confirmationis, concessionis, & inhibitionis &c. Datum Laterani XV. Kal. Februarij.

PHAREN. EPISCOPO.

Epist. 537.
Ut cum aliquot
Canonicis Ro-
man, causam
sue translatio-
nis dicturus,
veniat.

Mirari cogimur & moveri quod (sicut à multis accepimus) tu regimen Ecclesiæ Iadertin. sine mandato fedis apostolicae irreverenter assumere præsumpsisti. Licet enim Clerici Ecclesiæ Iadertinae cum sua civitatis nuntiis ad nostram præsentiam accessissent, & nobis tam ex relatione ipsisorum quām literarum inspectione, quas tulerant, patuisset quod in Iadertin. Archiepiscopum electus fueras, immo verius postulatus; quia tamen etsi de modo postulationis possemus reddi per easdem literas certiores, de persona tua nobis non poterat fieri certa fides, nec examinare debebamus absentem, eis de consilio fratribus nostrorum decrevimus respondere ut aliqui de Canonicis ejusdem Ecclesiæ nostro se conspectui præsentarent; ut de studiis postulantum & de meritis postulati certiores effecti, securius in ipso negotio procedere valeremus. adjacentes, quod licet Episcoporum translatio ad solum pertineat Rom. Pontificem, quia tamen ad venerab. fratrem nostrum Patriarcham Graden. consecratio Iadertin. electi noscitur pertinere, cùm de beneplacito nostro procederet ut tibi Palaeum conferremus, & tu nobis juramentum fidelitatis præstares, te proculdubio faceremus dicto Patriarchæ Graden. professionem canonicam & debitam obedientiam exhibere. Sed ipsi nuntij tales noluerunt literas reportare. quibus reversis, sine mandato nostro Ecclesiæ Iadertinæ diceris regimen assumpsisse, & in ea tam temporalia quām spiritualia ministrare. Quia verò grave nimis est quod de tua præsumptione proponitur,

nec subitò volumus damnationis sententiam jaculari, fraternitati tuæ per apostolica scripta mandamus & districtè præcipimus quatenus infra duos menses post susceptionem præsentium cum competenti numero Canonicorum Ecclesiæ Iadertinæ iter arripiās ad sedem apostolicam veniendi, redditurus nobis super excessu, quem prædiximus, rationem; ita quod si culpabilis inventus non fueris, cùm nobis de postulatione canonica & personæ tuæ idoneitate constiterit, translationis gratiam & usum Pallei recipere merearis; postmodum debitam nobis fidelitatem, & dicto Patriarchæ professionem canonicam, impensurus. Alioquin ex tunc te noveris ab officio pontificali suspensum, & nos Canonicis Iadertinæ Ecclesiæ dedisse firmiter in mandatis ut aliam personam idoneam canonice sibi eligant in pastorem. Datum Laterani III. Nonas Decembri.

Scriptum est Iadertinis Canonicis in eundem ferè modum usque ad verbum suspensem. Quocirca universitati vestrae per apostolica scripta mandamus quatenus si prædictus Episcopus præceptum nostrum contempserit adimplere, vos aliam personam idoneam vobis eligatis canonice in pastorem. Datum ut suprà.

DVCI ET POPVLO
Venetorum.

IN favorem orientalis provinciæ, præter peccatorum veniam quam in suis illuc expensis proficisci entibus pollicemur, & apostolicae protectionis gratiam, quam eidem terræ subvenientibus indulgemus, illud etiam Lateranen. Concilij constitutum curavimus innovare, quod eos qui Sarracenis arma, ferrum, lignamina gallearum ministrare præsumperint, & in galeis & piraticis eorum navibus curam gubernatoris & regimen exercere, ab Ecclesiæ communione præcidi, & excommunicationi pro sua iniuitate subjectos rerum suarum per Principes seculi catholicos & Consules civitatum privatione multari, & capientium servos, si capti fuerint, fore decernit, ad exemplar felicis recordationis Gregorij Papæ prædecessoris nostri omnes illos excommunicationis sententiæ supposui mus qui cum eis de cetero habere consortium vel per se vel per alios, navibus seu alio quoconque ingenio aliqua re-

*Vide infra lib.
2. epig. 29. p.
seq.*

Epist. 538.

Epist. 539.
Ne Saraceni
arma & fab-
rium habenti-
strent præcia
mercatuz.

*Concil. Lat.
sub diez. 14.*